



09718

知足齋詩集卷第十八

壬戌下

曉行次梁昌祿中翰韻

大興

朱瑾

石君



山行不覺曉竟夜皎秋月金輪亘中天萬里鏡燕越鬢  
髭表樹森疎密閒林樾梁稼高于人暘潤豐蒼粹山形  
忽曠畏峯起勢崒峯憶昨雜梅雨畜雲興也勃虹梁挂  
天弓截斷銀漢闕不然我馬瘖鯤怒漲窮髮豈如扶桑  
碾直貫婆娑窟行露快夙興險易殊倏忽君看朝霞爛  
九光隨燄發晴途實足豪蕩蕩祝崛岉

張三營

知足齋詩集卷十八

一

距口卅五里風景鋪平莎牛車力載重不獨事馬馳重  
關界邊幅設險意則那王者大無外重閉防守多乃知  
乘地利尤在人心和易稱顯比吉三驅義不磨

入崖口

初陽爍有稜萬象晃開雪峯峯插笏抱欽柯隋而陞橫  
度數道梁厲水猛在柙屯騎爭一線駝馬喘呀呷入崖  
樹草香甘肥牧芻甲小獵阿圭圖麇雉兔不乏一發獲  
兩肩馳薦告享禘晴暄宜驅獮歡騰衆情洽臣驚無能  
役輦路從轂伙願颺我

德威一蕩楚陝峽

沙岡

沙岡實首圍

御箭獲三鹿雲陰羃四野飛雨未灑箠習勞示詰戎馴  
遠亦柔服獮成蹕帳殿始覺霏滲漉旒排幕張漑  
澤秋氣肅行人仰光輝翹首祝晴旭

晚晴

頌賜麇子恭紀

紅葉滿山明夕陽喜放晴克庖

分野獲異饌到書生

軫雨惜羣力行圍竹五更

命明晨  
行圍五鼓再定

遙知巴彥獵

快意馬蹄輕

喜晴

今日看山分外明紅皴翠疊畫圖成獸肥草淺宜追獵  
馬躡弓嫻好射生天意恰隨人願捷輿謳遙稱

聖田情其羣孔有眞蕃富不數虛亡賦長卿

英煦齋少農獲雉見遣卽用其入崖口詩韻奉謝

君家傳經比歆向策馬雲峯窮變狀文禽決起得其雄  
五色離披萬夫望大獸公之小則私惠而誇我何豪宕  
射雉一矢譽命豐獲鹿有嘉氣用壯前日入崖詩絕工  
文嫻藝美天才放我欲和之羞雷同避艱就易非敢妄

君應恐我老無能不知所報求其當遲日歸來興有餘  
再發麟駒貢甲帳

那爾蘇台梁西山根紀事

山形陜而橢峻極踰層梁螺旋更上上蟻折盤高岡昨  
宵秋氣肅晨起白露涼暘升照晃耀紅樹烘青蒼傍午  
駐山根飛捷掣電將竹溪大師克秋望屠封狼蒲盧投  
絕崖倒挂貳負僵大小馘兩耳左右不相當窮殫信有  
徵芟割董莠稂七年芽蘖盡餘醜秋蛭塘從此巴蜀秦  
蕩滌天河滂送喜正恭默是日忌辰不行圍世宗一誠通

上方中外動聽觀於赫揚

知是齋詩集卷十八

三

烈光我

皇恫黎赤謙益遵虞唐

巴顏布爾噶蘇台大營

秋夜肅已長微霜下百草晨興襲我裘彌望亘顛顛缺  
月尚在天朝陽未出杲俄頃煦溫暉山色圍翠葆移頓  
廿里近遙瞻扈黃纛大庖非充盈狐兔跡已掃以茲喻  
巴蜀疾風振枯槁功成不再發強箭穿魯縞

賜鹿肉疊前韻恭紀

嘉賜連番已疊雙

額賜鹿肉凡四次

期門試手捷飛縱橫經

正席談腥薦染指賓筵侑酒缸驅牡從肩憑駿馬鞬鸞

應手載騎龍儒生慚愧鬢

天祿計日功成贊受降

度草帽梁

上梁山以陽下梁山以陰戴笠復覆笠圓窰何嶇嶽東  
南轉西北巴彥富有禽巽麋麋麋塵伎伎何駸駸虎豹  
遠逖逃狐兔迷櫛樵雉子飛不高決起還出林四更月  
朦朧伏飛入山林當午日照耀太乙

王中心詰朝將安止後夜分秋金

帝車漸南指平且中背參

英少農獲鹿蒙

知是齋詩集卷十八

四

賜黃馬挂詩以賀之疊前韻

羨君姻婭獲連雙

是日令姊婿散秩大臣伊同拜

賜服絕力相逢湊鏃

鏃

寵錫黃衣榮跨馬快浮菊酒醉傾缸藝精天巧能穿革  
賞懋人功異指尤多少材官環扈從春容儒服自心降

鄂爾楚克哈達大營

移營十里近張圍百里遠昨夜雨瀟瀟五更月出坂紅  
雲映四山白雪集高巘非誇射獵雄意紹天行健今朝  
猶東山明晨陞西圜地極夕陽陬馬首踰梁反是時秋  
正中平均適潤烜興安亘大嶺按策匝駿跪四隩本一

家豈域中外樞

那繹堂閣學獲鹿

賜翎賀之

封侯射虎本非難

三錫重申耀弁冠世掌從知美池鳳書生何必斬樓蘭

羽儀達漸先章服袞繡階升視礪顰夙夜寅恭

天祿畀公家報

國一心丹

賜鹿肉恭紀

五鹿折其角麕亦曰辟鷄力原馳峻阪均惠班書帷書房

知是齋詩集卷十八

五

四人均齋貳農獲有功煦齋閣學勞不辭研農太常健翰

矢謙士而我安朵頤素飽應自媿養老人不嗤

君恩自膏潤鼎食詎悔虧酌醴燕朋友餽餘逮儻斯菲

祿勿貪天內省慎厥思

玉研農閣學射鹿

賜翎疊贈那繹堂韻賀之

盤馬彎弓巧示難功高勞苦獎儒冠端人自詡勤經案

藝事

天教校上蘭連舟同袍矜意氣今朝側弁絢纓顰星馳

昕夙原無負影翠威儀好點丹

度樺皮嶺

桑下不三宿樺嶺遵以南嶺陰風烈烈嶺南日遲遲乃  
知地氣隔秋仲均燠嚴此嶺巨大嶺亦據興安尖乙巳  
初扈從跨馬聯靳驂紅葉豔霜楓豪氣誇盍簪粵游度  
梅峽皖陟凌黠潯峻極五嶽外絕磴峯排籤石骨間土  
肉重艮山斯兼竭來十八載老矣扶筇慙桑榆勉學道  
游戲低叢蠶

九月朔日夙興

循環晦朔交昏旦秋平秩吉行暄向南大獮功將畢扈  
從虛跨馬紀述祇橐筆經邦愧坐論賡歌勉諒直勞苦  
恤輿臺蹇拙戒趨蹙耳日思其官默存守吾一

知不足齋叢書卷十八

六

阿濟格赴圍大獲蒙

賜鹿麇作歌恭紀

天祿拜

賜今七番阿濟格赴數獲蕃九月朔日大獮獵禽投獸  
竄交夙蹻有虎敦圍出林莽伏飛爭暴氣已吞攢矛利  
鏃血手戰震吼禿魄空晴暖麇麇滿載獻厥尾生捉羶  
貉舍利絛乾豆克庖更均

惠儒臣載筆慙橐韉薦腥有典歸奠俎餽及眷族榮  
君恩書房閣部荷兼賚素餐戒得懸鶉貆祿不期侈屬

厭喻知止知足猶龍言鼎懲折足覆公餗退食三省心  
自捫

微雪喜晴

霜淞零草木日出猶未晞青紅好山色豔染環翠微冷  
風不知寒卓午尚易衣雲容已解駁霰消煦晴輝伊遜  
六道河計日將弊圍出崖憩仙莊盤山徑駢駢瞻望  
松柏路蔥鬱朝

橋巍

伊遜河

伊遜九曲出崖口發源西拉淖爾南盤腸詰屈山腹轉

知不足齋詩集卷十八

七

開張面勢隨峯嵐架木爲梁土茨覆驅馬爭過防絃驂  
厲深揭淺互跋涉誰云咫尺劔可函飛潦湯湯或滅頂  
中流一壺那敢探我今竭來快晴霽輕軒穩度行趨趨  
坡賚近與永安接東西相望山之龕紅蒼罨畫引遠眺  
清澈漱石澗澄潭

翠華陰羽獮將竣朏生鉤月緮初三捷郵火速慰

宸厪大武上告功全懌

賜鹿肉八次恭紀

坡賚亦孔有田禽多且阜黑雕翅大身赤狐爪絕柁此  
皆生獲之麗龜兼麀牡六官荷

頒賜受祿豐且厚麋鹿皆有軒乾豆薦其肘歆饗實  
君恩廟用榮鬯卣養老飫孫曾族食均割割豈忘貪多  
戒飽德歌醉酒願祝天下肥廣攬麟鳳椒何以效葵芹  
饋鬻循牆走

六道河

山屋水應盪盤河六曲流畋圍期判月高朗尚中秋扈  
御承

恩數來蕃覺報優前驅行出峽獲稼正棲疇

出崖口

萬騎爭驅入崖口峯欽水折石滑陡今來魚貫繞山行

知不足齋詩集卷十八

八

峽內霜楓峽外柳

聖人克詰非從禽在宥天下欽

堯心卽看東北來皮弁計日西南盪輝褱

五陵真氣成龍虎綿亘

橋山接天柱千秋

孝慕見羹牆

十武功成告祀帖

翠華右指

帝車旋夾路扶鳩間有年

賜租賜復邦畿普人鞠人謀

宵肝先

初四日九次分

賜鹿肉明早寄到是日蒙

賞荷包恭紀

昨宵承

諭先出口今夙傳來

頒祿厚裝駝捆載歸鞍豪鼎食官庖數八九

大賚報宴諸蕃王鈞天廣奏

黃屋張輝胞閣翟均餽餽幕內幕外睇

龍光

初五日張二營宴  
賚諸蒙古

六臣佩纓同嘉拜

拜軍機五人與  
賜者

皇朝詩集卷十八

九

臣而六 繡錦荷囊榮結綬匪伊垂之帶有餘鶉梁濡味慙

戈祓判年久慣藜苳腸飮

君之賜充羸庭莫說脯珍頤老疾願調元氣籌耕桑

恭和

御製敬題獅子園元韻

隩區靈勝溯豐園

堂構常新儼著存當日祥開繩

祖武至今佑啟仰

穹恩曼殊化界光垂照後象蹲威勢莫捫中外畏懷

心法在大千星拱屬匡藩

恭和

御製含青齋小憩漫題元韻

仙莊西北好幽探翠黛紅霞萬景含  
隔谷敞晴宜晃朗當巖宿雨尚霏酣  
蔚藍天遠開朝鏡峭蒨峯環送夕嵐  
雲路青梯雖咫尺

堯心靜對樂無耽

恭和

御製清溪遠流有會元韻

北山出原泉霽沸無纖淤及其達乎川  
不舍聖所譽澄澄纓濯我鱗鱗魚媵予  
豈知千里曲乃在一鑑初或爲經支匯  
或爲溝澮瀦從下逆在山流惡宜蠲除  
習坎盈而進觀河性如如至人會心遠  
天水懸望舒

恭和

御製八月十三日恭逢

皇考誕辰敬詣永佑寺

後樓拈香泣述元韻

霜露春秋愴未舒

玉衣弓劍緬憑虛四年逝水

神如在萬禩靈辰痛紉歔呼吸默通臺伯偃

音容昭格獮禽除幾誠不隔  
瞻依切孺慕常聞

帝謂子

恭和

御製啟蹕幸木蘭行圍卽事元韻

地獻維藩服

天山肇域開詰戎非遠驚昭德卽因培秋

駕雨暘若時田采衛來中關豈設險四塞拓邊隈

恭和

御製入崖口元韻

知是齋詩集卷十八

十一

諸蕃仰覲

六龍來控御登臨天塹開

堯日照人咸若煦

軒雲觸物未忘哀入崖馬驟嘶香草涉水呦鳴逐隩隈

小獵雙禽馳告捷習勤紹

武孝思該

恭和

御製永安莽喀圍敬述元韻

貽謀紀獵雄厚福承

天澤此地名沙岡敦良資培益發蹤大獵始蕃錫健數

獲

龍文岫樓尖杓斗照星石萬禩規

禹跡磨刻欽寶冊文武有弛張剛柔互轉易

恭和

御製四宜居晚坐元韻

行殿隨安幄帟支明堂曲室巧營之靜參四美惟虛集  
借鑑三餘得味宜

聰照不妨觀物我松雲何必閒梁茨若云方丈能函界  
奧曠兼如妙轉移

恭和

智齋詩集卷十八

七

御製參贊德楞奏報殲斃首逆蒲添寶全夥千餘名  
詩誌感慰元韻

氛餘七載尚雷屯火烈三苞盪子魂蠢爾萑苻孽自作  
窮哉荒谷臭空存屍殘倒挂髡無髮馘獻歧支耳執言  
大憝愚頑何足惜救民

宵旰渙

綸恩

恭和

御製諸蒙古王公進宴詩以紀事元韻

清秋塞野闊無埃藩服輸誠

御幄開虎拜雁臣虔享禮

龍光燕渥示

恩培廣張鞮轆親歌舞生力騰驤戲駟駮不謂

天高能俯愛勞謙崇效本恢恢

煦齋少農于波羅河屯遺白山查儉以文雉索詩

代東奉謝

山查火實似丹丸怪底黃衣襯素紈採自龜峯殊品植  
賺餘鳥喙味甘酸妝樓淡碧烘朝采筆架濃鮮點露溥  
嘉果色香希自貴況承錦雉佐加餐

譚別駕子受將從天津巉使之幕用少陵十年出

知不足齋詩集卷十八

三

幕府自可持旌麾意卽次杜韻贈其行

譚君好才器神解非授師詩筆實雄古不以宗派爲天  
馬絕羈勒騰箭排雲飛武事誇健力走險塞上兒磨盾  
更珥筆捷手騁好詞天欲老其材百鍊風霜威司農盟  
車笠巖使交新知鳶肩上火色進退秉禮儀安有出羣  
鶴冑逐千羊麾暫別詎惆悵勛子先人思競爽誰白眉  
扶搖各有時不見析木津望洋秋水涯情移伯牙操仙  
遠成連悲才難願自重踐跡非詭隨大道本康莊千里  
同所歸臨歧辨南北三復無邪詩

留題別館

別館 宮城南土名曰下坡去天近咫尺梁董王隄沙  
中廳與後寢十間可婆娑左右四个俠前榮三架那其  
東容廡廡其西院落賒雜樹槐垂楊閒以樗菊華室後  
有隙地軒敞兼盤藟榻來旬月憩興居閒吟哦葺治避  
風雨恰值晴陽多愛樹緬召伯廣陋中不過此豈傳舍  
歟攸芋亦安窩誰尋飛鴻爪記取巢鳳窠

小金山

上親獲鹿十次分

賜恭紀

灑水屈曲流環繞金山麓食萃自呦呦驚起走奔鹿

知不足齋詩集卷十八

古

御鎗嫺一發捷中兆服不

頒賜及近臣

十全旅可鞠嘉獲旣從心臬雉隨五木小臣敢貪天拜  
手更籲祝

度層嶺

九月十三寒露交度越層嶺何崿嶸紅石巒上旣突兀  
青石梁下九軋罄夕陽返照紅葉焰飛泉出峽清玉敲  
重車倒纜六馬曳勢如灘溜縈掣梢秋晴隘滑尚如此  
夜雨轂擊眞轆膠榻來輕軒登降坂視如矢砥輕屨嶠  
我客前驅日未昃兩間房屈殫餼庖我行稍宴月將出

追摹逝景箭去鶻道途險易有天幸作歌共慶還自嘲  
梁昌祿中翰取道密雲先歸作此贈之

子昔不窺園家學自醞釀子今偕我游詩思助跌踣後  
車陟層岡駝馬爭隘妨蓐食逾午殮辛苦愁潦漲崎嶇  
憩山莊夢覺猶艾創開篋隄隄陳濡濡筆鋒壯揮豪何  
縱橫一手兼賡颺姓名達

清問書法列屏帳入峭觀山色高爽愛濯沈割鮮飴雉  
麀意氣狎虎韞歸程每前驅回首紅翠嶂獨登天門樓  
俯視極空曠勝舉向我誇神采頓增旺子非百里才志  
取五鳳匠池毛認舊巢雲甲豈前讓庠奚別我去定省

北堂上榻來月再中奩鏡慰儷伉期子三春遨三盤試

筇杖

盤山

盤山脈與西山通突兀峻起京之東三盤勝絕松石水  
自古爲烈名無終常年地與人傑會田子春擅國士雄  
屯耕面勢據山麓感化寺蹟追遺風我來自北上西嶺  
其勢陘隘低九變天門石梁讓陡險攀援猿鳥愁臂髮  
十八盤路如螺旋旋適與駝騎爭磨礪幸當天霽夕陽皎  
東逮月出光瞳矓礙路石蹲如虎豹圍首獐攫張巨隴  
載舞萬松根插骨以石爲土歌青銅坡陀下穿倒茄插

蓮花嶺豁流濼濼明春暢游好登覽陟奇賞奧探無窮  
二十八日到閣仍至翰林院拜

廟恭紀

輿誦新參黃髮詢題名二十六科陳四登瀛島仙班甲

戊辰乙未己未  
教習至今凡四載拜

綸扉

異命申乙卯奉  
將召入拜大學士高宗殊諭

恩重敢云調鼎變幾先何以贊陶甄臣今老矣慙鳩杖  
謀國還須早樹人

奉

智齋詩集卷十八

十六

恩旨詢上園耶

准于初十日後擇吉祭埽蓋以蒙

恩協辦當告墓也且令回京城待十六日入直

聖慈曲體人情教忠教孝真異數也又蒙

賜鹿肉脯脰乃請假三日于十三日至西山恭紀

我祖宦京師我父卜吉藏是時癸亥冬西山二老莊我  
母亦祔左林樹環流蒼丁卯我發科仲叔聯鴻翔諸孫  
六舉子五世登瀛航兄墓峙其右遙拱塔鎮岡是皆地  
培厚敢曰生才良珪也尤忝竊中外久歷敷七十參政

府

絲綸賁潛光

清問告墓榮忠孝教臣坊嘉

賜獲鹿胙泉壤歆馨香扶鳩拜山靈何以贊時康願言  
若箕畢良月酬無疆

呂村近不遠金霞山之麓丙申葬我妃婦子班以穆閭  
人許孝廉爲我初相卜旣變土色暈太極圓可弔箕仙  
爲定時一線日景昱皆云後必大蓊枝龍脈簇敢貪天  
地隕在德不在祿有如種松柏亦似樹重樛陰陽更乘  
除天道有剝復

君恩何以報函食愧鼎餼朝露與夕陽誰能身障籠我  
將于此歸華表焉用矗

知足齋詩集卷十八

七

西山卽景

清晨過西頂西度盧溝橋是日立冬節暄霽陽月交風  
平不動塵山氣清不滑秋雨麥涵潤宰樹青未凋流泉  
尚活活遠望窳堵標翁仲與石馬凌煙赫前朝緬彼泰  
寧侯靈爽通焄蒿焚如傷林木封樹曾我要七年訪得  
之土石填空繆植以松柏槐春秋爲奠醪臥羊斷華表  
隔道跡未消以此感陳人功德誰不祧惟有西山雲無  
心吐嶺巒己丑子官晉藩有神降箕自稱泰寧侯陳珪  
曰林木焚如亦可憐只今相聚在諸天知公  
望重中朝日是我劉郎封樹年比乙未子改官講學爲  
亡室陳卜葬地往來山中望先塋東有坵巋然上洞穴

豁張土人曰此秦寧侯墳也其旁發掘凡十七冢隔道有斷華表臥石羊墳地爲他人耕種子贖之爲墳各穴春秋祠焉種樹今幾三十年望之林立矣

二十四日蒙

恩賜貂裘恭紀

冬寒未戒

賜裘鮮珍重元華稱體便煥映翠雲迎日耀褱宜紫鳳禦風翩朝正端袞叨榮夙記數連珠佩樂圓稠疊承

恩慙補職願將葵曩勉躋躋

恩賜綠押縫鞞恭紀

鸞鑣扈從近

知足齋詩集卷十八

六

光華服飾

恩榮到繡鞞不覺青雲生履舄由來翠纜

賜官家老慙金鐙難誇健步著羅皂好印沙從此康莊欽偃僂敢希鳩杖問年加

韓城太傅奉

恩諭扶杖入 宮門至 養心殿

召見眞異數也爲紀其盛誌心慕焉

引年憲乞 國老崇

詔許扶杖入 紫宮彭觥玉板拜前席

清問眠食康強躬咨俞經國大謨畫

軒皇訪道后牧鴻臣今八秩竊少二策鳩歸詒桑麻豐  
知止知足老氏誠杖朝杖國

天光隆明年春山蔓繡野桃竹左右旋河潼生平志不  
在溫飽立廷沂國標清風

兩朝元老足矜式廉恥節讓端羣工珪也幸託在姻婭

假年勇退敢後公吾衰久矣恐不逮願以白水明厥衷

奉

命閱八旗恩監卷入貢院卽事東錢輔堂少農王春甫

閣學

鎖院重來越四年老于校閱尚因緣漫論文字衡深淺

知不足齋詩集卷十八

克

那管淘颺計後前 國有明經先造秀士端始進卽儲

賢大生仁德

天心見試看陽回芸荔嬌

再柬輔堂春甫兩侍郎

憶昔同直 承華東風漏銀燭光燒紅花甃步影晷欲

長長安車馬爭衢衝十年我持六皖節九華高臥仙人

筇羊城載下南粵水灘桂遙溯星槎通錢侯契闊甫執

手春颿又纜江陰楓封翁自游嵩少返環召起拜參夔

龍茲偕信宿那易得人生聚散眞飛鴻一杯相屬本如

此少壯袞袞成老翁鎖闥對餐話疇曩槐閣鳴佩趨丁

冬兩公魁台近咫尺願以直諒將寅恭太平坐致民氣  
樂容我扶杖歌衰慵

與韓城相公清談卽景奉簡

門外雪飛雲後堂坐深煖從容敘情話何用感聚散少  
壯杼經綸衰老思蕩坦不見積薪者後來方幹幹公望  
旣卓犖公歸非濡綏徘徊戀

恩遇慳惻謀民瘡從來仁人言用意良在直他時重前  
席遠猶佇侃侃

雪詩用蘇禁體物語韻卽柬韓城相公

小雪之望風翦葉大雪之望月映雪今冬應節雪已時

知尾齋詩集卷十八

二十

明歲遺蝗種喜絕閉門傾壺渴自斟走馬催詩簡頻折  
簾幕重重寒不凝楫柁騰煖未滅蜀山那聞瘼犬狺  
蔡州早見紅陽掣空外交貫光明燈霄半獨綴莊嚴纈  
共欣滲漉徧壤墟可念深埋高潔屑觚棱點滴佇暘晞  
後夜中廷誰眼瞥知公不喜作假觀憂樂且舉同民說  
請爲彈取黃鍾聲莫教躍出鞋寶鐵

韓城太傅蒙

召見養心殿竝

諭扶杖入內右門恭紀謹次元韻

人望潞公還起洛書陳君爽尚咨周遂初

天意成翔鳳入對

君恩許策鳩榮絕百僚廉讓冠森嚴 三殿拜颺優郵  
傳父老河汾外憲養無言卽大猷

恭和

御製經略大臣額勒登保等馳奏川楚大局戡定趕辦

善後事宜詩誌感慰元韻

七載誰分

宵旰憂三人同力荷

皇庥成功眞竟

十全志

知是齋詩集卷十八

三

望捷猶聞五夜猷凱奏龍飛看掣電甲韜豹略各班侯  
安民從此咸歌德

睿慮方勤幾日酬

虞廷干羽自升華西北安邊易馬茶中外太平皆普福  
朔南比戶不睽家符離迅掃支祁盡粵海傳聞折首嘉  
敷錫自天皆

吳順自今欽若保蒼涯

二十六日蒙

恩賜

親書大福字恭紀

捷書連報

大功竣送喜聲中

賜福親五事正陳

保極頌萬方眞見太平春鳳翬腕下瞰初照龍躍池中

筆有神拜手賡颺簪盍慶加年數亥紀茲辰

是日癸亥  
明年癸亥

臣辛亥生  
七十三矣

題汪比部恩菜根軒讀書圖

讀書識取樂山意宦游勿忘菜味親其人出處已不俗  
何必大小分隱淪城南園圃君所戀燕北車馬巷有塵  
竭來假觀亦何有蔽得菜根香潤身

知足齋詩集卷第十九

癸亥上

大興 朱珪 石君

元旦丁卯試筆

中和殿夙拜颺同內閣班聯丹陛東堂下臣藩看舞蹈  
階前鐘鼓聽鏗逢一句露布飛三捷八載星從敘九功  
後甲先庚思日省丁寧何術贊

天工

讀笥河詩鈔

先生詩筆何盤聲生掣龍象鬥虎蛟每當轉捩腕不覺  
空際拏攫隨麾標平生著錄幾百卷我曾手校煩推敲

知足齋詩集卷十九

一

句奇才大不收拾寧自我出毋雷勦少河祕之不肯泄  
珍重竊恐神姦捎茲刻纔成十八首一鱗片甲難煎膠  
亟將全卷寄示我我雖衰老能胥鈔汰其繁蕪露生面  
摩挲昏眼猶辨消我詩媿公太庸率敢云軾轍祗有郊  
聯珠或可附前哲一任二鳥鳴嚶啁

讀後漢書

鄧禹

仲華起杖策弱冠拜司徒承制定河東駐節收枸扶卓  
爲功臣首東嚮尊訐謨有子秉遺教平叔綏滄榆閨門  
何嚴肅和熹執天樞厲悍竝禮讓終以盛滿渝虧盈信

天道高朗難久居

馮異

蕪蕪飲豆粥滹沱進麥飯公孫屏大樹不以勳伐論倡  
議扶赤龍桑榆功克建無忘射鉤志君臣同大願紹封  
比蕭曹何媿金石券

賈復

君文師李生蔚爲將相器北持劉嘉書遂蒙解驂賜先  
登何其勇婦孕訂婚配率然擊郾對身被創十二君功  
帝自知敦儒修文事偉哉膠東侯聿參公卿議名成王  
霸閒剛節還就第

知足齋詩集卷十九

二

臧宮

君翁旣吞蜀志欲威匈奴光武審黃石廣德眞良圖西  
域閉玉門北徼謝伊吾意防何深遠詎在憂顛與執謙  
諭虎臣包桑實聖謨中興休前烈橐甲韜銀鍔

耿弇

賊無遺君父伯昭何義勇南陽建大策志成獨推輶車  
師抱馬足疏勒飛泉涌耿氏世經武與漢業同鞏道家  
三世忌紀忠亦足重

朱祐

仲先尚儒學將兵多受降不在首級功志在定邑邦禁

士母虜掠講舍升牀枉賜蜜喻親厚故人恩莫雙圖形  
雲臺上日角輝高麗

寶融

弟子固

曾孫憲

安豐挈河西歸國固三讓游歷三公閒恂恂蛻卿相孟  
孫著邊功謙儉保高聞伯度急睚眦贖死要无妄勒銘  
燕然功絕漠開遐曠身名嗟折鼎天道終惡亢

馬援

文淵有大志井蛙嗤公孫遨遊隴蜀閒擇主識其眞聚  
米畫形勢何異借箸論飛鳶墮跼跼銅馬式班門馬革  
誓效命嬰鑠壺關遂薏苡竟遭謗朱勃讜議陳

知足齋詩集卷十九

三

魯恭

劉寬

仲康論虎觀三異廉中牟上疏諫北伐仁者言何九盛  
夏母斷獄至月勿報囚姤復順天道變理訐謨猷文饒  
性優緩蒲鞭匪競絀善政可爲則何必事距鉤

杜林

伯山挽鹿車刺客甘逋亡漆書古尚書握持獨弄藏奏  
議止內刑法令母更張斯誠仁者言豈襲經生常事爲  
通儒式不媿三公望

馮衍

敬通負異才不爲時所賞西征賦顯志屈騷同愀惘發

憤武達書鄰里爲蹙額禍嬰剝牀膚鬱鬱據俶儻傷哉  
文士窮安得凌雲上

孔奮

君魚治春秋清潔守儉約脂膏不自潤單車萬金卻武  
都何厲勇妻子甘賊膊晚年有子嘉天道憐忠魄

張堪

君游稱聖童讓產厲志操狐奴開稻田桑麥民頌禱折  
轅與布被清風足嗟悼一聞樊顯言感概褒揚詔

廉范

叔度何磊砢負喪俱溺沈鉤得更追賻固辭不受金鄧

知不足齋詩集卷十九

四

融怪其去侍獄何盡心似我故功曹訶之不宥任獨收  
薛漢誅帝怒不可禁卿豈廉頗後志膽敢爾深三頭薰  
火炬遂破匈奴侵夜作不禁火五袴歌至今慶鴻交刎  
頸巖麟濟嶇嶇東漢尚節義古風誠足欽

鄭元

康成實達儒馬融謁樓上著經百萬言孔門推大匠公  
鄉表通德北海譽允諒龍蛇夢宣聖此理亦无妄益恩  
旣殞身小同死可愴大賢竟不世斯文庶未喪

賈逵

景伯善問事語稱賈長頭九明左氏傳大義能闡幽世

儒方蹈故攻之若重讎緣飾讖緯言象龍處者劉陳元亦瑋瑋范升徒刻舟儒宗數鄭賈卓爲經學優

班彪

子固

馬班皆繼世叔皮恬且貞孟堅旣博貫研思國史成鴻文賦兩都馬揚畏後生典引不足奇浴襲非正聲趨哉良史才千世標典刑

朱穆

公叔貞而孤兼資文武材三復崇厚論用意振澆頽慷慨著絕交不與鴟鳳諧及爲冀州牧志清諸姦猜祿仕數十年蔬布無餘財斯人亦足風文忠何媿哉

知是齋詩集卷十九

五

陰識陰興

陰氏祀管仲謂之爲相君其先陰子方至孝有恩仁臘日竈神見再拜受釐親獻以黃羊牲巨富連廬困識興因椒戚戒侈能恂恂神道固幽贊亢龍防其迤

陳寵

昭公習律比議法常依輕不貪百金利祖戒惟持平報重盡三冬無傷三微生冬至三歲首三代通爲正三王建春月此義獨發明刑禮本相應去取三千成趨哉經學美可闢俗儒盲

王充

仲任善潛思論衡八十五中郎枕中祕異書實足誦養  
性十六篇頤神自張主雖膺夷吾薦豈肯應世取

王符

節信無外家發憤潛夫論五篇尤卓犖愛日惜民困雁  
門二千石不如逢掖異慎赦亦偏辭何如持平憲

仲長統

公理戒高幹遂有知人名卜居樂清曠呼吸思和精蟬  
蛻龍蛇閒星霞掇寶英昌言一著錄損益先兼并斯人  
豈忘世才章繼西京

申屠蟠

知是齋詩集卷十九

六

子龍眞猶龍泥蟠不肖信蔡邕深重之至行守道眞江  
夏會名豪默爾獨不言先見處士橫不與太學論終能  
全高志考槃嗟碩人

楊震

秉

賜

彪

伯起起宏農四世紹清德暮夜卻兼金天神爾我識五  
疏何伉直宵小肆讒慝慷慨夕陽亭大鳥悲沾臆秉也  
尤淳白自守三不惑賜也對虹蜺板蕩喻虺蜮彪也失  
愛子垂老困慙賊嗟哉累葉盛天道有盈昃

張衡

平子賦二京瑰麗班都右靈憲擬揚雄覃精八龍首應

開文旣奇思元騷更盼四愁聲調楚長歌舒窈糾斯文  
通三才崔瑗服膺久

馬融

季長實通儒擁坐疎小節勸諷廣成頌亦頗事功烈廡  
長上東巡召拜郎位列取侮鄧與梁詭遇名亦裂慙說  
盧鄭徒高才貽玷缺

蔡邕

伯喈性篤孝博學尤多能解紛作釋誨遺俗存正靈上  
書條七事刻石定六經忠言奉密詔避禍周紀星晚遇  
懷董歎見忌允失刑漢史誰著錄有女空零丁

知不足齋詩集卷十九

七

李固

子堅挺奇表繼父爲三公對策發讜論謨猷譽孤忠扶  
持三絕統周旋椒戚凶如何折鼎足羞與廣戒同奇哉  
文姬智匿孤爲酒傭變也亦無忝弦直載良弓

杜喬

叔榮狗兗州表奏太山守金蛇不宥假結怨遭凶醜正  
色無回橈李杜齊名久梟尸橫城北楊匡義不負郭亮  
與董班斯人同不朽長嗟時事乖烈士空戎首

范滂

天地方閉屯賢人宜隱遯如何違括囊自取蒺藜困孟

博實清流登車矢素願宗資重其名膺密同靖獻哀哉  
慈母言行路猶齋恨濫觴甘陵謠正直禍滋蔓善豈不  
可爲危行言或遜

郭太

林宗善人倫臧否兼勸獎李舟旣登仙陳慟邦無仗人  
旤幸色舉天廢歎乾象蔡碑無媿辭黃陂羨滉漾平輿  
有二龍不如有道榜

孔融

魯國有男子才疎志瑰磊猛虎在深山藜藿爲不采狎  
侮卓與操抗議驚姦鬼漢祚不可支殺身亦何悔秋霜

知是齋詩集卷十九

八

比琨玉鸞鍛空文綵禰衡更何辜鸚鵡傷華璀

皇甫嵩

義真勇且忠遂擢黃中衆百姓歌安居朝政方倥偬閭  
忠效蒯通守節不受諷幾遭董逆毒孝子誠感動鴻鵠  
備未乎幸脫虎牙龔美哉不矜伐恥彼蠻觸鬩

朱雋

公偉資孝養起家交趾功大麇宛鄂間不與牧伯通奉  
詔不俟駕持節鎮關東崎嶇僮汜間智勇詎不終伊尹  
志則可小諒胡可同

王渙

稚子起功曹政績著洛陽  
擿姦有神算理冤無侵傷  
清名歌樂府立祠安陽傍  
朝廷錄其功遂與朱尹方  
天年雖不永遺愛同甘棠

孟嘗

伯周爲郡吏抱牘孝婦冤  
更陳後太守時雨解旱愆  
治郡遷合浦去珠訝復還  
捨官隱窮澤兼金甘抵捐  
雖蒙楊喬薦肥遯嗟遺賢

邊讓

文禮負異姿麗詭章華賦  
伯喈所特薦寶鼎函牛具  
謂比顏奇倫周雖集振鷺  
孟德實忌才厄罹孔禰數  
哀哉亂無象鸞鵠絕吭喙

知不足齋詩集卷十九

九

龐公

德公隱岷山官府不能屈  
臥龍拜牀下耆長胡敢拂  
妻子耦耕耘鴻鵠遠羅罽  
采藥向鹿門長往遺塵拂  
連哉高風邈詎肯暫充詘

天竺

身毒月氏東其方稱佛國  
發夢自漢明流傳徧中域  
驚超昔無聞周衍或未識  
化人樂華胥禦寇非臆測  
精靈有起滅此理久不惑  
空有兩俱遺猶龍同一得  
何去何從乎知白而守黑

讀前漢書

刑法志

吾欽漢孝文天性仁且厚斷獄致刑錯與民得老壽矜  
憐緹縈言內刑改笞捨更除坐收律何媿民父母孟堅  
引孫卿巧言吾勿取菲屨與赭衣不信古含詬使民戰  
栗意孔子亟深咎

劉向

子政屬宗親通經抱忠鯁頗好神仙言祕方鑄金礦上  
書獨切直同心託堪猛指明梓樹徵劉王著天警反覆  
數封事義取屈哀郢惜哉子異趣譎張覲秀穎

智齋詩集卷十九

十

萬石君

石奮起中涓孝謹勝諸儒不言而躬行子弟能步趨建  
也滌中諭譏之者過歟慶也策數馬致身相封侯叶雍  
容里閭內不以貴自渝美哉此淳化德行眞上模

賈誼

賈生抱異材通達比伊管所言非不用顏卓生苦短治  
安六七策衆建實善算豫教及張維訐謨何侃侃發憤  
弔湘流自傷周鼎幹觀化賦服鳥聞道言命罕偉哉第  
一流宣室傾天廩

汲黯

長孺社稷臣不與宏湯比淮南憚其節直節能守義頗  
好黃老言清靜民自治東海與淮揚臥理法簡易上所  
見禮敬不冠望而避何如大將軍狎侮方踞廁

賈山

賈山奏至言借秦以爲喻其文頗剴切汗漫迷指趣是  
亦策古流射獵非當務宴游不失樂異言巧巷過不如  
誼也醇定勝詞有據鄒枚亦辯才間侃可竝鶩

路溫舒

長君牧羊時截蒲編寫書學成爲通儒迺上緩刑書救  
時傷獄吏仁言戒刻膚意篤何悱惻秦法慘未除可爲

知是齋詩集卷十九

十一

百世則醇乎媿仲舒

竇嬰

田蚡

魏其實后族著有七國勳王田本異姓曷以甥舅論蚡  
也況夷詬漢廷誠無人權勢互傾軋杯酒起旣因武安  
在者族厲鬼早殺身灌夫夫何爲磨牙狎媿羣安國亦  
首鼠顛墜空蹇屯

河閒獻王德

河閒好求是得書多先秦獻樂三雍宮折中指事醇淮  
南亦好書鴻烈博管荀楚詞且受詔食時已上陳如何  
希无妄豈若端厥身奕禩慕賢哲六籍傳其真

李廣

將軍七十戰未嘗當單于射虎乃飲石爨臂橫匈奴屠  
降八百人失侯天匪誣報忿霸陵尉睚眦怨何如東道  
少回遠數奇到自殊桃李雖不言流涕悲士夫陵也墮  
家聲柯盟志竟孤

蘇武

子卿持漢節燼火死復生齧雪更咽旃牧羝掘鼠鼯北  
使二十年鬚髮盡霜莖歸爲典屬國祭酒優尊稱圖形  
麒麟閣烈與方召并有子曰通國爲郎紹宗祊

董仲舒

知是齋詩集卷十九

十一

董生王佐材褒然儒學首所對皆醇正鼂孫豈其偶獨  
崇春秋義扶陽陰不糅爲治尚德教受大勿小取推明  
六藝科尊孔百家右大議輒就問庶比魯鄒叟

司馬相如

長卿未遇時佻達頗不羈賦才麗屈宋上林何瑰奇攤  
天奏大人帝有淩雲思乘傳諭巴蜀被錦耀一時中閒  
諫獵書忠愛差近規阿世封禪文雄奧何補裨獨以文  
采論揚班難攀追

卜式

卜式雖弔詭牧羊去敗羣斯言詎小道可以通治民烹

桑天乃雨直讜亦可欣致身青雲上  
鹽鐵罷算緡畜肥師百里庶近黃老真

兒寬

兒寬帶經鋤奏讞得上可經學節吏治課最輸租夥天子建中和登封神佑受褚大既心服發社闈靈璫遂爲儒雅宗何嫌都養瑣

司馬遷

子長良史材文章何卓犖著書繼春秋發憤遭刑椽上溯軒轅紀下迄獲麟角經緯數千歲網羅實鴻倬壺蒼義高朗安書痛呼晷班贊稍抑揚巷伯譏大轂後儒過輕軒龍豬喻未確疎密兩鉅手竝峙標華嶽

徐樂

徐生起無終上書辨土瓦獨觀安危機銷萌在拱把其言推數理易動慎民下誠知二體明何憂七國侈嚴朱吾主父橫議可姑舍得一斯畢萬奚用炙轂輟

王褒

子淵負高材雅與馬揚埒中和樂職詩何武歌雅說試爲得賢頌明穆比禹契洞簫讀奇文後宮猶擊節益州祀碧鷄道逝傷鷓鴣

東方朔

曼倩眞大隱遊戲仙者流大言自稱譽譎諫匪競綵時  
復伸正義摧偃戒逸遊客難及非有自比伊呂儔戒子  
工柱下知道隨湛浮好事或附著異聞夸十洲

車千秋

千秋上急變子弄父兵笞夜夢白頭翁教臣上言之武  
帝大感悟高廟靈指麾言人所難言公當爲我昆遂封  
富民侯取相旬月期受詔輔新主功業會有時小車賜  
優老異彼賀屈釐

梅福

子眞條急政若火始庸庸王氏執魁柄呂霍奪漢宗其  
言至深切十月歌咎凶又言建三統宜紹孔子封家居  
善養性仙去疑絕蹤埋名吳市卒逸民成孤忠

趙充國

翁孫被創夷天子爲嗟歎及其壁金城老謀何趙桓釋  
罕圖先零策羌計必完屯田十二便坐勝議不刊當爲  
後世法豈獨旦夕安圖形竝作頌方虎歌師干

甘延壽陳湯

甘陳立奇功庸庸怪而詆手斬郅支王縣頭橐街邸擅  
興固徼幸改年告郊時向永爲發憤耿育痛傾圮權衡  
功罪閒何以勸虎士彼哉匡與石娼嫉吁可鄙

雋不疑

不疑帶劍謁勝之納其戒賢哉有慈母平反母枉逮京  
尹說經誼附會輒拒蒯斷章適因時夫子固不爲公羊  
雖墨守素臣斯爲最

疏廣 疏受

二疏傳太子知止遠殆危祖道東門外觀者感而唏黃  
金請族舊田宅夫何爲功成身遂退賢哉百世師貪榮  
計孫子徒爲達士嗤

于定國

定國爲廷尉民自以不冤善稟于公教食酒益精專迎

知足齋詩集卷十九

五

師執經禮泐疑哀寡鰥仁者必有後永亦爲大官高閣  
容駟蓋天道蓋可言

嚴尊

君平雖湛冥星漢懸高名與人言忠孝匪獨善厥生子  
雲亟揚詡貴德豈其卿下簾著老子壽考道自成李彊  
所浩歎千載餘風聲

貢禹

少翁性質直建言復古風王者宜法天女寵減後宮廡  
馬及苑囿大損歸田農民毋早出算鑿地藏虛空贖罪  
教姦宄財利相守崇絕源修節儉庶幾成康隆黃耆八

十餘史魚比直躬

龔勝

君賓不事新絕食死漢室薰膏自燒銷天年不得卒老  
父爾何人惜其名害實皦然不受汙志士明讞日

鮑宣

子都善直諫七死與七亡深陳天地戒名儒得包荒日  
蝕于三始白虹蚘天陽人悅天意解翬翬攄忠良千人  
會舉幡守闕遮孔光王莽翦異己遂死亦可傷

韋賢

元成

長孺號大儒七十餘爲相致位八十二兼金榮賜貺少

知不足齋詩集卷十九

六

翁代爲後起家數辭讓疊疊自責詩車服謹無曠獨申  
宗廟議親盡罷灌鬯有舉莫敢廢夢譴詎虛誑

魏相

弱翁抵霍熾遂起據魁柄不冑黷言兵便利遵前政其  
陳陰陽言亦取順時令修明練名實中興無裨政同時  
稱賢相謨謀會際盛

丙吉

吾欽丙少卿陰德誠赫哉閉門拒使者所活億萬該會  
孫眞天子將護倍憐哀絕口不伐善疾甚非死裁馭歐  
丞相茵舍之報烽埃駐車問牛喘少陽恐錯絃蔚爲中

興相輔佐光衡能

京房

君明傳焦易得道亡其身所言既屢中  
考功能別甄道人當逐死正先趣亂秦  
消息竟不效蒙氣空輪囷

蕭望之

長倩雖堂堂不撓近剛者爭名殺延壽  
何以調鈞冶元帝苦柔闇南箕肆侈哆  
朱游亦行行鄭朋尤猾夏果然殺吾傅  
卻食橫瀉瀉哀哉邁參併誰與支傾厦

匡衡

孔光

稚圭善說詩爾雅頗醞藉治性強不足  
精禋動教化又

知齋詩集卷十九

七

言萬福原情欲慎夙夜粹然豈不文古  
道難抨射舉光方年少再相或慙霸依  
違元始閒翻同腐鼠嚇

谷永

子雲真大黠乃以訐爲忠依倚權椒  
勢批鱗劇深宮其言雖痛切有挾非至  
公成帝寬而文面受耳則充指陳三七  
厄狂瞽戒豈空

揚雄

蜀雲嘿湛思著錄巨萬言儒宗實巨擘  
韓馬咸推尊臨江弔湘纍反騷龍蛇存  
四賦麗而偉班張不足論解嘲義宏衍  
雷火遊神門攤元掄周易覆瓿闢大園  
法言摹

論語品藻參淵騫紫陽責賢備特筆誅莫原豈繫彭聃  
流不計商周年

儒林傳

漢武立博士五經道始開易楊書歐陽詩四禮曲臺春  
秋宗公羊穀左後更恢古文出孔壁逸書誰能猜與其  
過而去毋寧葆燼煨殷勤諸老翁求舊珍盤疊不猶愈  
於野箕子方滋芘

循吏傳

郡守分天工治民宣教化安得盡長者耆幼樂耕蜡文  
翁興學校穎川美黃霸朱邑祠桐鄉信臣行田舍龔遂  
請安之盜賊亦皆罷當時治蒸蒸何用矜勇詐庶幾游  
仁世孝友睦婣婭

恭和

御製元旦喜雪元韻

元日欣霏三白霽臘中還見二陽亨邊隅早報螟蟲淨  
京輔先占薺麥榮梅萼松根增秀潤瓊樓玉宇并光瑩  
天心貯饗  
皇心愜億兆臚歡獨保盈

疊前韻送偉人太傅歸韓城

關西夫子志節崇冠雀銜鱣翔講宮起家高甲游台輔

正直嘗嘗勵厥躬力辭樞密介于石屢告休沐翩如鴻  
七年功竣快洗甲元日雪後徵綏豐扶筇兩足健且駛  
渥綸三錫

恩方隆歸軒桃林散戰馬望氣紫蓋連關潼同朝鏗奇  
詩滿冊老彭椽筆爭雄風吾衰技癢力不勁欲罄情話  
難爲工大賢推讓孰叨竊晝錦獨樂眞鉅公慙無硬腕  
門斟雉吉甫爾雅言由衷

恭和

御製同樂園茶宴諸王大學士及內廷翰林用平定三  
省教匪聯句復成詩二首

知是齋詩集卷十九

九

卷阿今日快賡吟七載先憂慰

聖心天道方謐剝轉復時徵正際泰承臨滄陽無量番  
春肇集地施膏尺澤深誰識籌民

宵旰久喜翻倒劇翠雲襟

獬犬封鯨楚陝川蕩平眞見太平年八方蜡報寰中慶  
十種魔空教外禪玉馬瑞騰六出雪燭龍銜照九華蓮  
至誠呼吸高穹佑恭儉先勞獨永肩

韓城相公疊韻賦別三疊前韻敘舊蒼之

齒德爵三孰比崇憶從衡校春闈宮戊戌我參同考列  
敬公虛受兼直躬辱公知我訂婚媾我聞公浙遵達鴻

庚戌棘院共搜剔誓挾劍斗徹蒨豐管領戴筐科五六  
徧釣珊瑚光殷隆無私門戶實清峻神聽屢屬霞飛潼  
我亦愛才羞詭合交孚同志端士風躋公仕止度禮義  
是宜揆範襄天工翩然河山遂初服袞衣無所羌歸公  
燕秦望望忽千里各堅晚節盟素衷

恭和

御製上元後二日小宴廷臣元韻

春開四日時和燭望接三霄月省卿廣宴

龍光方奏凱加羞兕舉正聯情交修咨做謨虞益從律  
宮商譜夏諛拜手微忱難仰贊承穹輯兆

知是齋詩集卷十九

子

聖言宏

恭和

御製御文華殿經筵成什元韻

橫經啟殿爲崇儒

武烈光昭

文治敷天命惟心兼目治民生在養契神謨行春九十  
先膏澤身教三千導範模欲識

睿思勤宥密革頑牖世蕩平途

次韓城相公畱別韻

四十年來

天眷深九千，仰望鳳歸林。人欽東岳收霖雨，帝許西河濯紱簪。無處樓臺開甲第，有心徵角和韶音。蓬山咫尺誰能別，不覺回頭發浩吟。

直廬久已讓樞機，祇爲晴陽戀景暉。溫飽何心入夢寐，忠清所性永瞻依。商山芝長歌鴻鵠，沙路華平首駱駝。僕指七年重獻壽，葵忱

壽葵忱

天照徹丹微

海子口占

獸肥草淺獵場平，正是春蒐好射生。侍從漫誇揚馬手，

知是齋詩集卷十九

三

聖皇用意勸農耕

清明日啟窖花

朔方春苦遲，況當閏月早。百卉萌蘖寒，不耐風雪惱。豈無天喬姿，愛護加蓬葆。窟土深陶復，納坎覆稽橐。龍夔蟄三微，燕息倚海島。今朝春氣上，萬物咸蘇槁。順時扶其隧，嬌若出襁褓。月季已含藥，海棠將吐繅。將離乳新芽，牡丹舒鮮蕞。碧桃欣向榮，石榴迎旭杲。快如啟蟲戶，粲若發藏寶。從知月已朏，蕃殖仗富媪。

編竹籬

縛葦作藩落，苒弱不經秋。嫋嫋當朔風，欹邪那自由。襟

植扶蘇莖施蔓壓上頭春來各萌芽綠縵生意抽乃知  
因依理所託須喬樛雖非樹木計亦賴扶持周我將易  
以竹挺然直且修十年吾已老愛樹誰翦劉徘徊籬勢  
固爛漫花徑幽其北映朱藤其陽葵菽稠匏瓜何纍纍  
垂實當綴旒黃花秋更好載酒來羊求吾師叔孫意傳  
舍如始修

微雨

微雨一以潤自然夜氣生句萌怒奮蓬庶卉欣向榮我  
園漸涉趣流水碧且盈山桃開最早杏柳相映明粲粲  
盆中華移植庭縱橫草木喜得土魚鳥游寬宏於此觀

物性在我何慮營

知不足齋詩集卷十九

三

牡丹蘭花開以少見貴用張南湖芙蓉詩卻字韻  
倣其體

愛花不著花飲酒不滿爵有如讀好書隨意觀大略豔  
冶當春時吾豈獨靜泊蘭秀挺幽芳牡丹敷醄萼招呼  
二三友賞以提壺酌朝昕暎映奩夜露弦輝閣色妍女  
變姸香闕靈交錯坐起往復還獨賞思衆樂林園涉有  
趣頗似脫軒鶴少美況兼攬懷抱此暫拓花如解我意  
笑嗟心已諾試看婪尾春如水東赴壑安得指翔陽徘徊  
駐景卻娉立汝何爲萑苒懷娟弱花神本不二環序

期久約

芍藥花開六首

千催萬喚花始開  
豔姿半吐如瓊瑰  
其餘苞藥不記數  
含嫣笑鞞猶藏俚  
主人待爾已三日  
急呼好酒澆金杯  
園中嘉客來不速  
不須肴蕪惟支頰  
有能詠者疊百首  
或以繪事烘丹體  
花如解意應敷態  
一發匝月摘錦堆  
朝探暮醉不知倦  
晴雨風月長徘徊  
夙興問訊花連開  
自公退食看幾回  
絳綃袒露半臂錦  
玉奩淨印瓠齒  
怡花應喻我故作  
態頻移几席來相俛  
夢翩好鬟睨而眇  
凝脂醅頰心愉諧  
盛妝雅舞遠忽近

知不足齋詩集卷十九

三

勸我侑進青霞杯  
沈沈雲陰天欲雨  
招招仙袂香拂埃  
有情芍藥洵如此  
遽然已報花重臺

好花三日嘉賓來  
提壺挈榼同岑苔  
主人不辭客白適  
蜂酣蝶栩歡無猜  
溫其君子粵海秀  
愛花未投玉鏡臺

溫步容爽  
約未到

萬章賢者劇好辯  
畜池竊恐生魚災  
萬和吹

劍晉人漫一映蒲葦  
觀水勞往回

戴東山

大癡丹青擅清

峻袖手閣筆胡爲哉

黃左田

微雨纔過百卉潤  
園林生色

腴枝莖對花酬唱  
自今始將離匝月  
夫容開割麥插禾  
鳥聲樂神龍應鼓  
鞭雲雷

遲君三日花毯毳

招溫步容侍讀

君如不顧風且頰  
封姨狼藉

亦可惜水南才士胡  
遭侗錦城步障那堪護  
明妝照夜雲茶堆隔牆  
宋玉不窺轡方丈居士  
空如灰憶昨鸞枝豔于  
火成蹊載醪思穴隙芳  
時須及顏色好莫待攬  
鏡憎星體無肴尚可煮  
陸菟解渴且試聆酸梅

八义才子移樽來

溫步容侍讀

隔牆喚酒花繁開紅  
鞞鞞

舞汗駿玉盤孟照醜  
瑤臺歌鐘貴客漫誇  
與洛陽紫鳳園林魁

魏觀察在坐

乞鄰而子真措大拔  
葵差免公儀欵安

得神淵三日寫坐見  
億頃濡牟稜清和萬  
卉盡藪藉池水綠漲  
荷華隈石榴火浣染  
雲白薔薇蔓發香雨  
梅

嚮如軒舞仙禽胎類  
如玉暈酣輔顛夕陽  
射豔光滿煜

知足齋詩集卷十九

十四

茲月夜露濃潑醅眼  
根色界不可說若有  
素女飛空來瓊花觀  
中殷七七珮環珠唾  
香九闔我今靜對兩  
無著但覺鼻觀霏皚  
皚金屋千春嬌欲貯  
曇鉢一瞬迦可哈  
長年花期美無度隨  
時嘯詠供蹋踏

大興 朱珏 石君

感興二首

喬喬百尺榆鬱鬱千株柳蟠根地防固膏露天培厚柯  
葉貫四時蔭芾蓋十畝颺輪夜半發拔撼蛟虎吼豈知  
衆夫芘坐見枯株朽其旁有附枝榮敷華綬牽牛尚  
引蔓游龍亦被藪乘時各得所何用齊類醜

小材爲榱桷大木爲棟杗架構支巨厦當無用乃章巧  
黠競小知解脫觀大方誰能逐豪毛得失同亡羊昨宵  
觀時雨雷電助其滂萬卉改顏色鼓舞蘇巫尫方知造  
化力施德疇取償雪開帥以閉無言亦無將

定齋詩集卷二十

一

香山行館燕巢

香山適行館爽塏居三閒翩翩雙燕子梁棲往復還我  
亦暫賓主顧爾鳴且翯芹泥近取拾昕夕弄閒關蓬島  
望咫尺可仰不可攀羨爾得遨遊翠微繞回環卵育遂  
其性底用誇鷓鸕

回園居

去園甫五日枯藤忽生花草木何欣欣茂育亦可嘉芍  
藥花雖過薔薇正濃葩池水環周流入夢澄無涯云此  
最祥吉脈絡無闕遮卽事誠足悅寓目忘滓苴安得一

夜雨百穀蘇禾麻

喜雨 四月十九日

萍號欲起飛廉鬻孽雲截斷女魃器乾沙攬空退飛鷁  
睡驪蜩縮魁怒嗥

聖人憂民獨責己

宵旰精格通肝蒿

今疑

召對

上憂勤責

紫皇

遊詔斥風伯九龍應響鶴唳臯日午氤氳撒大冪漸噴

香霧霏絲纒晡時瑟瑟琤萬瓦少女不動鄰虛毫津莖

濡根滴天乳唾珠嘆鳳鳴靈璫天心

聖心轉圜捷先憂後喜誕不諂嗶嗶衆生呼佛力豈識

知不足齋詩集二十

二

帝澤酣衢醪高哦快舞獻楓座樞機桴鼓靈臺操志孚  
氣暢無壅闕消沴召順恭謙勞綿綿在宥信如此臺臺

時雨承

天膏

家中枯藤發芽

經兒來園中報我庭前枯藤葩我庭植藤四行列其三

春蔓一已槎兒言欲斷與儘屢請尋斧加我姑

舍之兒言推萌芽豈意前宵天亦潤城郊

素綬藥婆娑四美角嘉生梯

嬰姪車徵休謙益敬天道順

霖澤豐菑畲

題萬和圃學士所藏銅雀瓦硯次歐公荅謝景山  
遺古瓦韻

確隕有物用不銷古瓦拱壁題品高金虎冰井鄴竝藹  
建安銅雀發獨牢臺傾瓦解岸谷變物化兔角吹龜毛  
陸沈不數星隕石誰抱飯甕甍狐咻流傳文伯巧剗淬  
遂發光怪銘勳勞涪翁磨崖本鉅手錐鋒螭扁織螽  
得茲雙井厥和璞鳳咮龍尾書尊堯猩毛蘸搗揮玉版  
鎖江醉飲鳴鼎槽晚樓南樓記家乘望斷北雁翻歸颺  
常主翰墨器求舊鼻祖江右鶴九臯千年顯晦落幾手

知是齋詩集卷二十

三

溷埋沙礫拋猗峇磷淄馭市琴纓尾邂逅捆載牛壓腰  
萬君識寶鄰義取岐陽碣鼓風馬蕭艾城鄉里洛異洛  
氏曹不筆當塗朝俗鈔改竄析眞膺實事求是芟莠蒿  
屋除字體更典則西陵誰弔牧豎燒摩挲千日亦不厭  
豈獨潤膩宜池凹君今玉堂好清供天上金匱隨濡毫  
分寧瓣香弄衣鉢流別風雅無譌淆南踰珠海北樺嶺  
輜軒水陸重錦包庚庚脈橫隸古定乙乙陰興龍梭縑  
虎頭慎防夜半壑蜃幻漫鼓江心濤有時劔波浣花杖  
莫矜犀照晶宮妖磴奇戲聯石鼎句堅厚不礙昆吾刀  
才孱力薄赧六一浮我大白羞江瑤

護花

護花開金尊勸我能忘憂憂樂各有懷迥逆那自由止  
觀靜如鏡旋轉逐所投似爾蘼與葉榮落隨秋雨露  
既滋息暄暘亦敷抽庶草自有時奚必攀喬樛

喜雨歌 二十三日

黑龍頭角游巒岼

聖人步禱升降壇齋心晨達玉音下密雲布護彌天寬  
風伯退聽百靈驟豐隆抱鼓視椽欒乙宵迷濛徹旦瀉  
淙淙雷瓦鳴迴湍昨日

宸顏憂今朝

知是齋詩卷二十

四

宸顏喜盱衡民瘼亟驚寵天聽駛憂樂先後惟民同呼  
吸誠感眞天通專精一意迅景響萬神襍沓填虛空老  
農襍穢琴社鼓龍骨高高挂梁柱小兒牛背叱復謳割  
麥插禾聲在樹我園潤澤草木香蓮池碧漲盈周塘菖  
葵五色高過牆酡頰半酣濃照妝藤陰上架藥葉大金  
萱石榴渥有光勤雨時雨佳若暘歌以言志方未央

題青山集

李孝廉慶英寄予青山集三十卷續集五卷爲

當塗宋孝廉鉞等重刻本請予爲序按先兄竹

君所進錄於四庫全書集部第七者實續集七

卷今少二卷豈有所闕并歎考功甫在宋史文苑傳稱其母夢李白而生祥正梅堯臣歎爲太白後身譽之至矣傳又摘其諛頌王安石安石恥爲小臣所薦因極口陳其無行一若文行瑕瑜不揜者是以總目中亦有褊躁合離之論然或其少年弔詭鬪捷裨闔不羈者之所爲而荆公矯枉沽直遂致流傳詬病其實當時朋黨出入之閒亦未足以一節之不檢確然定其邪正之歸也今讀其各體詩豪邁縱橫頗有不冝踞縮溝猶之態平生枕葑青蓮亦可謂尚友百世之師者若夫太白凌蹈虛空俯視滄海實有英光浩氣溢乎毫墨之外又豈可以侔色揣聲片鱗半爪遂頡頏而抗駕之哉語云先生之志則大矣以之侑食青山祠列之北宋名家亦不負其踰驥千里之願也已并志以詩

青山拔起凌江濱遠與蜀岷連支垠神人騎龍戲空界攀援猿鶴稱兒孫太白光芒燄萬古誰其匹者少陵杜幾人淬厲規雷碾獨上雲梯夢天姥歐王坡谷北宋豪浪士竊比青蓮高滄浪清濁或自取詩文流別隨風騷送迎海外倡和詞臭味亦復無差池古劍雙投醉竹畫

鼉秦同傳夫何疑

恭和

御製夜雨朝晴適值還宮齋戒郊外卽日喜成元韻  
依旬曰雨恬箕伯殷脈其雷達礎楹月窟子交和氣淡  
方壇寅致

惠心誠倚衡潤綠宜郊望攬轡晴紅鏡曉行應有衢歌  
歡九陌普存

厓抱在謙盈

題顧小厓先生古香圖遺照

名成天

梅花見天心不藉橐籥吹伊人葵藿抱特達升日曦邈

知不足齋詩集卷二十

六

近實千載謂是騰上姿豈意山木性不改猿鶴期巖廊  
邱壑閒位置孰最宜披圖景其人廣受眞吾師

荷花

荷花周遭百頃餘平鋪紅雲錦不如西南絳帷丹羅襦  
曉妝開奩冕瞰樽彤幢迎導羲和車灣環飛浴鴛鴦鴛  
彩霞拖虹影方諸翠蓋繙帟萬姪好中露皓腕凝脂膚  
玉女淨濯不施朱反照火軍閒如荼夜月半吐銀蟾蜍  
雨露噴唾傾圓珠左右眇疎香徐徐一日百匝揚清臚  
蒼松垂楊兩岸疎穿插不盡菰菱蒲迴塘繞屋卉蕃敷  
休夏自恣夢蘊蘊田田四游濠梁魚不知孰樂眞華胥

伏雨

伏雨聞半夜萬彙咸昭蘇大哉造物仁不使一物枯起  
視我園中薊蒼何敷腴千柄閒千朵紅白酣而姝遙想  
萬頃碧梁稻翼且與黃河淤已開雲颿轉軸爐銜尾過  
析津飽食粳糯稌靜觀詎獨樂敢忘民艱虞

恭和

御製六月朔日作元韻

初庚連日癸壬雨開朔今朝甲子晴德水安濶神運速  
叢山通棧武功成徵時五敘惟

欽念進業三登致泰平憂樂同民先後異獨參天道酌

虛盈

雨後

前年六月朔日雨泛溢欲漲昆明湖今年朔晴臍日雨  
點滴入土如膏酥盱衡我園好幃畫芳樹醜沐茄葩敷  
紅盤珊瑚白晶玉萬舞狎獵瓊霞裾游魚自躍錦鱗尾  
倒影好晃金蟾蟻縱橫廣袤一騁望芙蓉城擁千麗姝  
羅浮巨蝶戲仙陣九光雲海鋪天都江淹李白好才筆  
誰能貌出眞雲茶濂溪愛蓮但有說太華玉井徒形模  
朋來不速觀不倦攬結大意清而腴色香如此說不得  
法華試轉西方無

蒸和

御製消夏八詠元韻

閱摺

清明開夙氣倍覺見精和如水衡斯澈非煙鏡不譌  
折衷惟握要執兩自該多無我知言妙青空萬象過

召見

殿陛勤敷納人思効顯良薰風跪衽襲初照咫尺暉詳縣  
鑑誰逃影因材自取臧  
求民咨暑雨何地更招涼

觀書

知不足齋詩集卷二十

八

成憲監于古多聞觀在書日長午晷靜心洗酉編除熟  
解披文富新知得意徐  
聖希焉不學況對景悠舒

淪茗

品水玉泉近煎茶蓮漏中何須淪冰雪不覺失炎融鉢  
石霏花雨鑪煙漾竹風蓬山眞在處下界漫嘲全

披薰

火庚當溽暑解阜鼓時薰有起穿葩葉無聲靜觀聞自  
天隨長養因地振芳芬  
虞舜揮絃意千階早靖氛

對雨

日雨日暘若油雲忽暮天密看如散縠遠望久凝煙禾  
隴青肥稼蓮塘錦漲泉勤微

宵旰切茂對自今年

舟中

液池通 禁籞彩鷁

御輕舟自愜壺天賞真同鏡海遊觀瀾沿遠嶼拾月印  
芳洲經涉耕畚處咨農慶有秋

池上

曲池濠濮意不夏更何消况適晚生籟迴看峰影標火

知不足齋詩集卷二十

九

流將熠熠雲起致飄飄淨洗明河甲

天心慰旦宵

兼翰林院掌院學士到任日恭紀

五到蓬瀛閱逝波

戊辰館選乙未再入翰林己未教習  
庶吉士壬戌協辦大學士今掌院凡

五到衙門矣

巢痕難問舊同科同甲者森森竹箭干霄起袞

袞驂驅掣電過器識深沈期鶴立文章爾雅重鑿坡祗

慙老我餘衰蹇得際

姚階慶止戈

恭和

御製夜雨朝晴元韻

秋宵宜稼得優霑  
恰喜銅鉦挂曉暹  
伏過三庚消溽暑  
節交七月洗流炎  
環畿千里歌與翼  
絕徧么妖敢匿潛  
貯蠶豐融惟

佑順依旬時若愜

心占

恭和

御製經略額勒登保參贊德楞泰奏報三省底定餘孽  
全平詩誌感慰元韻

蜀山八日捷書呈楚徼秦關盡蕩平  
小蠹經年紆五夜  
中元佳節慶西成  
紅陽掣電今歸馬  
赤手傾河竟洗兵

知不足齋詩集卷二十

十

神武止戈先禁暴

王師擇將利行征  
民勞亟用綏  
豐屢士勇尤嘉  
恤踐更  
喜氣星雲正  
高朗休徵草木亦蕃榮  
賡颺衆籟同宣豫  
宵旰單心愈惕盈  
長此萬年無逸所

昊穹鑒德在惟誠

阮雲臺中丞爲我選刻知足齋詩作此謝之

吾性非嗜詩尤不工於律  
少年忝詞館職當親佔畢中  
閒多疾疢不敢究編帙讀書得大略  
汎覽無專切三十  
始遊宦吏事紛糾葛經年癡嘯詠書味久契闊重來鳳  
巢舊更直

龍光暫丹鉛勤磨研經籍敬講說

恩際文明盛學殖敢荒逸屢膺星槎使電勉校甲乙當年有哲兄著作蝨弧揭門牆正敷藹中道忽摧折居然求典型近似擬蘇轍自從辛丑後稍覺積翰札詩本道性情心源派流別巨細各爭鳴風雲貫蜻蛉我衰耄將及豈敢溷剗劂阮君治經義政學美兩浙斐然鈔拙草阿好愛不割李司馬編修陳廣芸詩祺皆博雅校讎精雌蜺授梓竟成編十存幾六七覆瓿與亨帚悔多功苦捐作詩謝吾友求名疇得失吾將師老莊文者道之竊

恭和

知不足齋詩集卷二十

十一

御製啟蹕幸避暑山莊卽事元韻

金天塞爽正高秋

玉輅時巡紹

遠猷豈獨驅劉威克詰因思馬馭德馴柔雨暘從欲惟星好螟騰無遺已窟搜吉日辰良看豫動

翠華擁導靄煙浮

恭和

御製曉行密雲道中喜晴卽事元韻二首

近甸山城

萬乘過遠陬新奏靖弭戈白檀白馬當年險黃洞黃雲

接日多昨夜萬花雲出岫今晨三派練交河豐登象已  
徵綏屢夾路還看飽穗禾

不愆旬澍最宜耕況是崇朝每快晴多黍多稌高廩稼  
買牛買犢庶昌榮

天顏恰爲盱衡霽

帝力渾忘熙皞氓馬首北東迎紫氣勞謙長此

念持盈

恭和

御製度青石梁元韻

東瞰高射石梁西汗駿無聲颺萬蹄欄磴于霄盤道上

知是齋詩集卷二十四

十一

天關迴首障峯低飛泉漱玉鳴珂雪遶樹拖虹染碧蹊  
瞬望

雲罽升下穩

乘黃掣景度霜批

恭和

御製避暑山莊成什元韻

列水錘峯選勝莊高山天作澗過皇邇安遠格環般頰

武烈

文謨謹憲章暑雨漫咨加潤澤秋陽有照徧容光萬年

垂裕欽

家法無逸幽風意不忘

恭和

御製含青齋元韻

深峪哈呀北亘南青蒼一氣景能含當窗近遠空收勝  
排翠高低秀挹酣嗽出扶桑先照檻雨餘懸瀑注歸潭  
因時

茂對秋偏好玉露金風四望覃

恭和

御製碧靜堂元韻

青空太古山丹葉埽人跡鳥飛與猿吟壁削皴萬碧嵌

知不足齋詩集卷二十

七

巖得天設靈廟巧規隙堂皇面勢開拱揖突兀石醒耳  
非一聲黛色參老柏階茨適

堯心靜正敷

孔席

恭和

御製山近軒六韻元韻

綠雲高切上攬翠靄空浮徑轉疑無路山開近愈幽憑  
軒俯曠豁行樹染林稠爽氣凌霄宇清光正霽秋偏香  
原接咫濟勝更升樓目極蒼茫外崢嶸萬象收

夏明經鑾琬圭

虞書以玉作信瑞玉人典瑞周官詳琬圭九寸藉有纁  
治德結好無鋒芒夏君好古售燕市以周制度精寸量  
五寸七分二釐半厥厚稍殺隆中央叩之其聲頗清越  
水紋深黝玉水蒼自奇得寶二千載鼂朱博雅爭比方  
示我摩挲質溫潤絕無玷駁真純良或疑好事最善幻  
考核無罅難周防繹駟渠眉差髣髴穿孔十六異斂藏  
此說然疑吾不用匹夫懷璧意則臧鑿真辨似俟君子  
還君什襲千金裝

次石菴相國自西園歸見過韻

我歸未禺中秋光霽正好君來自西園心跡靜不擾道

知不足齋詩集卷二十

古

旁豐粟梁八月方剝棗對時欣物華蕃釐徵富媪登平  
庶有象足慰憂樂抱撫近差由豫慮遠或感嫪詩懷枉  
惠我晚覺知音少尊酒閒蔬肴得味在半飽恬知貴交  
養誰與問道早觀河性不皺根識或可埽

次曉嵐宗伯石匣城韻

王道本蕩平設險始叔季燕京徧邊塞東北密雲衛長  
城肇自秦前明此巖燧始謀胡不臧朵顏輕割地中葉  
守不遠華離日蹙勢戚公築石匣防要亦足恃距關四  
十里城塹環迥騎截前更掣後用爲犄角計公生

重熙朝歌壤樂無事匡藩四十九今昔跡迴異當年豈

無才慘淡補天意，熊羆誤翦除孫盧。窮未濟在德不在險，天人理無二。山河隨地防詎可，刻舟記知公破萬卷。雄辨誰勅對輪攻，與墨守吾衰敢廁隊。釋疑不求解，或是挈瓶器行役百里近。攷證苦無字，不如兩忘之默息。訣可佩。

題霽園少司空遺照

庚辰初識君玉山，映鮮顯合離。四十年立雪門生老，瀛洲紹世美臺諫。勤績考游敷扶風治，迴翔卿月皓及乎受。

知遇持衡典文藻，司空偈斗台大廈。狝宋撩嗟君宦達。

知足齋詩集卷二十

五

晚有子聞道早，讓善必歸親。生天或戲島，卽今披遺圖。蓮花淨懷抱，嗒然得三觀。神傳豈寂稿。

秋菊

秋菊非一種，五色揚清芳。我愛正色佳，黃衣裊黃裳。花丁競奇葩，接蒿巧瓣瓢。細種羅盆盎，稜采同尫涼。我惟尚其質，徧插籬落旁。旖旎耀皎日，峻潔輕風霜。是真高士品，落英餐瀟湘。

老年

紅葉錫佳名者艾，童顏好老人喜對之。婆娑弄杲杲，鶴舞頂丹珠。松脂映瑪瑙，殷然染江楓。內視孕大寶，階前

植珊瑚樹羽舞形葆色觀何足奇生意充懷抱少年爲  
誰誇老萊自傾倒

詠秋菊

秋花香滿屋放蕊圓充圍此華實靈物秉氣善者機憶  
昔癸未秋我園菊有輝來觀各豔說陳臬縮省薇明年  
見星去百卉皆蕭腓乃知草木性無心兆祥禩今我對  
花笑內視嬰姪肥花兮喻我意揚英久菲菲  
馥馥靜鼻觀疊疊明金盆無言淡相對不下帶而存氣  
和機自咲先天脈脈溫獨坐萬花叢香意何氤氳菊乎  
爾非我至樂魚周論何必陶靖節吟賞東籬根

知不足齋詩集卷二十

六

昔人愛菊者餐英且擷芳此或違物性適己忘彼傷我  
則異於是愛護隨周防似我敷輿抱挹彼清芬香我昨  
游蘇園千株燦爛光歸來觀我室碩大無與方花乎眞  
有神照我珠孕房是豈非靈瑞有美通中央  
我暫別花歸五日以爲期花如知我意含芬待我來素  
心傾皓月黃中金光輝庭前珊瑚株經霜高歸歸我旋  
不匝旬小陽春徘徊遙期七日復天心梅獨回

大道

大道非遠人求之終必至如何人自遠中路忽自廢譬  
如行千里夙興夜不寐望望日以近無爲歧途劫卓爾

如有立顏樂在希驥願以勛後來勿俾疑而跂

卽景

我來西園中落葉何紛紛獨有當軒菊碩大揚清芬豈  
不感時節天香吐瑞雲听然相視笑充符暢觀聞蕃蕪  
若物性氣機鼓氤氳爾吾無隱意得何云云

石菴相國見和詩鈔中冒雨尋菊圖次其韻

餐英豔說屈子經榮鞠肇徵夏小正後來好事臭味同  
尋香繪聲兩清聽陳翁遺卷偶感懷犖确荒山滿芳徑  
撫時追曩情話長棖觸余心三歎咏劉公好學今衛武  
獨賞此詩冰玉映憶初相見丁卯冬東閣郎君白哲淨

知足齋詩集卷二十

七

下筆擣坳透繭紙瀾翻慧業根因證先師指壁狻虎題

詫我思力龍蛟勁

文正公面試予狻猊虎題讀至東龍西龍門赤日白鬚老蛟碎玉斗句

呼石菴名曰汝不及矣眞長古也

少壯分馳聚會難及老同官鼓餘興

公應笑我胞絡浮我尚輸公手腕橫舊雨今雨過現來

花落花開泡幻夢公方矍鑠不老期我慙衰蹇無心競

顛風不動居士幡雨花何與維摩病解環須鍊無生剛

善刀那管虛空硬知味何必食馬肝知道何必談受命

此釋石菴湯武受命之疑

公乎曷不轉法華如來多寶牀原竝文殊

師利說法精十二功德聞思勝

此釋觀音文殊實有其人不必作此是論

無隱乎犀香聞木神不二通乎聖

此釋不謬仙

無諍

無諍不自無如來實無得此真無我相一語可貫革觀  
人見不足觀我疇自克歛然處若谷江海下溝洫天命  
胡可貪天恩浩罔極所以無伐施顏志常抑抑  
衆生各流轉誰爲斯陀舍雉蜃有變化鴻鶴排雲嵐敦  
彼匏瓜蔓食苦乃得甘升沈適運會天道或可譚達觀  
自知足脈脈心所諳

喻道五首

先後六父母生我十三身八宮十二子貫之惟一神  
四山雪如鏡皓月同光輝胞嬰遊重朗透頂苗以葩

知足齋詩集卷二十

七

日日問元神願以君爲主我將褰裳去歸君中央土  
五九四十五六六三十六周天循環行異姓皆眷屬  
樂天者何憂知足者不辱天道猶張弓江海下百谷

良鄉縣作次煦齋少農韻

廣陽福祿水此地熟經過佳氣迎  
鸞翠通津靖蜃鼉月明穿衛幕烏樂逮

恩波大雅嫻高唱吾衰勉缶歌

次煦齋少農過賈島墓敬依先文莊公元韻七律

當年無本擅僧詩手攬鵬鯤荷匠知遺蛻千秋華墓近  
清吟寒谷孟鄰宜派傳宗伯懷封樹音嗣詞家妙絹碑

佳話玉堂增典故敷芳藹舊有餘思

喜庚姪假歸與之夜話有作

二年不見汝見汝情倍親洽民能克己不忍忘其仁北  
堂拜壽母寒谷暄回春往來慰癡叔吐我肝肺真吾衰  
勉听夕豈復戀世塵吾言爾能諳可以質鬼神中夜起  
不倦待旦意未申庶幾各努力保汝善者因

擬楊升菴重會黃夫人

排雲晝撼號天門天棂再擊禡忠魂滇南萬里去不返  
芙蓉鏡破虧金盆其雨其雨朝陽怨長離一聲鴻雁遠  
望夫石化斷三生同心蘭夢迷九畹鄒陽吹谷暄回春  
律調呂應歡如新人閒兩美天作合玉女拍手香滿茵  
仙才仙儷真佳耦玉暖藍田珠在手從今踈進紫霞杯  
同祝天長共地久

恭和

御製養性齋元韻

仁見天地心睿通堯舜性養之而無害顧諟聆提命一  
誠貫上下五夜先祇敬明辨義利關洞矚蒼黎病王道  
示周行保赤惻入甯由近達四遠環覩咸仰

聖惟動丕應志萬象納心鏡存存以安安養民敷德政

擬升菴夫婦聯句疊元韻

子從父後排君門攫鱗斲誰招魂楊青春長恨楊柳

色瓊樹竟碎珊瑚盆雁飛不到啼鶻怨蜀棧滇雲口

以遠楊空將化魄逐回輪難望枯根蘇故畹黃夢驚天

上露濡春夜半金雞送喜新楊歡依膝下雙瑜舞赧說

房中疊錦茵黃生生脈脈交奇耦彌天無漏兜羅手楊

天原不老月常圓一笑拈花相視久黃

讀劉石菴相國和章似左袒張桂而不足廷和者

竊謂不然以繼統爲正者爲先帝而不宥阿新主

也所謂觀過知仁也多君子之徒也以尊所生爲

說者逢合新君而忘其所授也所謂詭遇多小人

知足齋詩集卷二十

二十

之尤者也察其心術則邪正判然矣至於入廟稱

宗其漸可勝言乎大哉

純皇之諭曰凡此類者宜稱皇本生父母尊親兼盡百

世不易矣敬申斯義而繫以詩

繼統大義懸國門新鬼豈得誣升魂濮園議禮本光武

媚竈逆祀尊瓶盆璫萼僉人神恫怨援立元臣竄荒遠

稱宗入廟邪說興避擊侯家仗姦畹折衷百聖標王春

正名二字丹鉛新皇帝本生父與母大書什襲光旃茵

勳華受命古無耦郊譽宗堯惟授手執中精義發

純皇萬禩權衡垂則久

十一月初十日冬至

天心一陽復天屬皆回春雷聲歡動脈鳳鳥銜新綸梅花一枝發香界何氤氳元吉不遠復休休以下仁衆賢此由豫讓善宜親親以保我孫子推類福庶民

予與崇如相公談因果慨然曰我有子杭珠慧而殤惜乎予曰公之杭珠不死也公不聞杜甫有詩乎西嶽凌嶒聳處尊諸峯羅立似兒孫稍待秋風涼冷後高尋白帝問真源公百歲後有騎鶴翩然而來迎者非他人必杭珠也因為廣其意作招杭

珠篇

知足齋詩集卷二十

三

蓮花千葉香九閔靈仙游戲多嬰孩中有一人騎白鶴手執玉版飛空來雲臺本是劉家洞石壁開時仙眷衆明星玉女捧天漿駕鹿鞭羊眞伯仲君說勞山好卜居東游西宿意何如我駐蜀峯應不遠一杯相屬招童鳥題查集堂先生畫蘭冊應令孫彬屬

三樹旣珠纍三秀亦芝苗獨于岑苔閒臭味自芬苾空谷賞無人同心淡以謚濡濡見情性宛在高士筆哲孫此珍弄國香紹姬姑

又題畫竹冊

森森饒太守瀟瀟梅道人相賞林壑意誰爲似與眞墨

竹寫生趣自覺枝葉春何必對風雨籊籊頤形神泉源  
與流水洪上清無塵

時哲孫憩亭方  
之官淇縣故云

讀昌黎先生集謹次八月十五夜贈張功曹元韻  
溯源天稷垂銀河天孫織錦揚清波泰山東矗玉井潤  
交舞雙鳳諧簫歌當年驅鯉忠心苦鶴唳猿啼襟風雨  
三生磨蝎轉輪高一鳴驚天萬竅號左攜玉川右郊島  
汗流籍湜僵且逃起衰八代紹騷史斟酌百鼎澄葦曝  
上爲秋陽下江漢雅有吉甫謨有臯斯文光燄燭千里  
三立如公原不死何須金石服大還巋然顏孟同一班  
獨有麟書祕科斗誰撼蝸角爭觸蠻望古茫茫鹿夢隔  
施喬裊裊鱗松閒閒關景仰好無尚因依枝葉心思攀  
願追浩氣申高歌德行文學真同科知公冰鏡清光多  
苔岑臭味今非他新雨舊雨情如何

詠高司空文公允

伯恭皈沙門爲儒辨東井豈知前三月秦正申建景五  
星從日行金水西南耿

本傳辨十月五星聚東井之譌  
其實秦正建亥十月實前三月

建中

及其侍恭宗不敢妄語逞甘同崔浩死世祖歎其

鯁恐負翟黑子直哉無微倖無言泣歔歛心悲自咽哽

五異真經世侃侃密勿境清貧安寒素茅屋帝臨幸不  
名呼令公推獎榮禁省彬彬開學校疊疊算田頃五朝

光弼亮期頤蛻形影真仙歎猶龍陰德實過丙韙哉  
此人嚮望空引領

詠離騷女嬃

離騷曰女嬃之嬋媛兮申申其詈余注女嬃屈  
原姊也此傳之者誤也古者女子從夫無與兄  
弟商出處之事數諫而忠告之非情也按嬃女  
之賤者易曰歸妹以須陸云妾也須有媵妾之  
解是屈原之妾同被遷逐者也身被流離之苦  
而憐其婢直以取禍故泣涕而道之此妾婦之  
忠也輒為更釋而申其意

知不足齋詩集卷二十

三

同心事君子甘苦誓不離夫君信博憲姱節獨自持舉  
世好蒼莖謠詠叢蛾眉與君連枝葉摧折誰能辭憐君  
重修能邁此艱險時妾雖化精衛填海終無期羽淵不  
可測有子難收趾哀哉腸九折號泣空攀追

甲子春帖子

焉逢開首祐蓂子協洪疇畱熟春生瑄乙酉日元辛朔

正陬辛卯日

春回十二恰逢寅

毓慶宮中喜氣新璧合珠聯慶

喜起宣房早報翁河身

三白春先兆玉豐十行

綸詔普天同

武成

文洽瀛洲樂人羨卷阿鳳翹桐

恭和

御製大雪連宵繼日成禁體詩誌喜元韻

四番瑞雪先冬集十八周時集未消

今冬連得雪四番矣十二月十二日

辰巳刻雪連夜達晝方止盈尺有餘星月始見

千里方圓布澤遠

一心宥密積誠饒

今冬燠陽于人物麥卒不能無氣不閉藏之慮得此時雪真大慶也非

聖誠默顯格天不能如此之感兆也

蝗深入土麥肥苗人慶無疵氣肅

知是齋詩集卷二十

丙

蕭此是天恩與

帝惠小臣拜手頌明昭

崇如示我讀大戴記武王踐阼篇以丹書二十字

為至言而疑其下以仁得之以仁守之其量百世

以不仁得之以仁守之其量十世云云為不可以

訓是使亂賊有所憑以為微倖也其意亦善而不

能觀其通夫所謂以仁得之以仁守之揖讓而得

天下者也所謂以不仁得之以仁守之征誅而得

天下者也成湯且以為慙德是不敢以放桀為仁

也夫子曰三分天下有其二以服事殷周之德可

謂至德也矣。謂文王也。謂武盡美矣。未盡善也。謂  
武王也。聖人不敢以仁許征誅之事也。武王聞此  
言惕然若懼。退而爲戒書曰。前監不遠。視邇所代  
敢自謂仁哉。漢景帝曰。學者不言湯武受命。未爲  
不知道。征誅之事。聖人不得已以救民也。若自以  
爲仁。則武王之志荒矣。太公陳之。而有量百世十  
世之分。可謂百世等差矣。周之卜世三十。以仁肇  
之。而以仁守之。之明效大驗也。其言何害于理。而  
疑之乎。輒以意爲之解。

丹書揭十字。敬義坤道。貞危微十六言。乾道純粹精萬

世傳心統日月。懸光晶安仁量。百世強仁十世禎。湯武  
不自聖。惕然銘盤楹。仁量視其積。三十周數贏。巍巍堯  
舜禹萬古。仰穆清。

夢遊華山

我生七齡去。蓋屋華陰廟。下從親遊青牛。摩挲老子碣。  
轉輪俯瞰百尺樓。童駉何知怕。像設歸來噩。夢驚魃頭。  
七旬契闊華山面。玉井蓮豔十丈舟。仙人迎我綠玉杖。  
酌我甘液金觥浮。嶽靈鋪席請我坐。我辭立雪晶晁眸。  
升堂再拜賓主洽。高談雄辯陳根由。此閒傳舍閱過客。  
今誰主者雲臺劉。笑指兒孫秀列笏。凌霞翩鶴風洽柔。

蘧然清寒映肝膽悔不記取雙環璣

題文正師次東坡登雲龍山倡和韻

塔鈴夜語替戾岡雲龍使君出常羊後來佛起坐並牀  
太華高高俯蒼蒼手澤必世同聲長我欲從之咫尺望  
春風入座與點狂

大山宮霍平陀岡喜君筆墨堪換羊把手不隔下上牀  
指點歸路非渺茫君胡沈吟山水長然疑躑躅不敢望  
棒喝莫厭顛石狂

君家三世連秦岡雙丫童子騎青羊邀我上坐獅子牀  
我眼摩挲視茫茫雪月不辨光華長子胡不歸陟岵望

老鳳疑我歌楚狂

知不足齋叢書卷二十

美

詠七國

崇如來詩欲責六虜王而恕暴秦輒反其意解  
之

六王抵厥罪何用加誅求嬴氏不仁得公憤如同仇豫  
讓死知己氣尚貫斗牛人心卽天道白蛇斬者劉屈纍  
招懷魂子房復韓讐荆軻挾匕首田光扼其喉趙夢異  
秦夢蹈海慚西投誰于千載下吐剛而茹柔不如平等  
觀萬貉同一邛

用且園舊作韻題李石農觀察照卷

管涔山高天池回汾源馨沸如淳杯君來自晉南到海  
且圍坐嘯青眸開洞天十八臺雙塔顧眄覽密西松臺  
使君官清鏡潮汐甘棠遠蔭深培栽十年不見好根蒂  
靈泉汨汨江湖恢四野黍苗待膏雨濟時有本需良才  
帆張風發浪千仞荏苒沙線連交台我曾星槎再攬結  
夢游省識神遄徊振衣珠胎拾海月孺指石乳醴天醅  
鼻端有白觀空假踵息雪景一往來祁祁霖施觸膚寸  
招招風靜探壺萊舉樽相屬暫離合反流歸處常依陪  
香界霏霏三日雪一枝贈爾天心梅

喻化

知不足齋詩集卷下

七

神仙解輪劫咳唾隨分身渾然我無損是二是一具分  
者忘其朔自謂我降神豈知入五濁不淨迷根因後覺  
卽先覺所性原純純倘非不遠復覆水難回津濯纓與  
濯足君其問水濱

恭和

御製嘉平月二十一日額勒登保至養心殿行抱見禮

詩誌悲感元韻

萬里功成紀三薰

帝錫詩就瞻抱  
膝見嗚咽動心悲塵戰眞勞勤丹忠奮翼爲貫珠瑩肝

膽沐

日荷

恩慈

乙酉日卯時立春

甲子歲之首乙酉春之初己卯為春時三元泰運孚是  
月丙寅建木盛火氣舒王者布德令福汝蒼赤敷我亦  
登天門青龍蜿東隅左右策王良坦坦行蕩途司祿秉  
文昌斗戴匡玉樞仰天迓靈瑞獻歲歌康衢

恭和

御製立春日雪元韻

知不足齋詩集卷下

三

時和豐玉兆農祥春到

松雲喜氣颺甲紀子孳醲潤澤乙酉熟縉韶妝

是日酉

弄簷鳩鵲高鋪五堆砌後狹擁鎮廊盈尺定知符

睿願

至誠妙感接穹蒼

甲子二十一日

乾清宮

御筆親揮大福字

賜珪恭紀

敷天

賜福正迎春宣室承

恩第七人

四王慶董兩相第七珪也

一德同心宜獻可八方異族總歸仁求多有道公斯溥

惟善無私篤自因願以

君施比暄澗晞光渴澤念黎民

新職詠明史五十五首

詩何不范夢章景文

夢章負器識早以名節稱孤立不為黨談兵實精能數

歷閱四朝中外倚股肱前席訝其癯憂國弦已絀淒涼

雙塔寺古井寒堅水光氣爭日月烈士同上升峩然作

知足齋詩集卷下

五

領袖排間叫凌兢貫珠二十一仰斗垂玉繩

劉復禮理順

真儒擢巍科不負斯文望毀家急國憂守城助一餉文

信何不然正氣歌慨恍妻萬與妾李四僕甘同喪羣盜

識鄉傑環拜哭安仰緋衣歸星宮高名懸天上文行備

無瑕大招來沈碭神交萬萬古領首笑頡頏

劉起東宗周

念臺真天人恒星首大角翩然下麒麟先知更先覺忠

言何骨鯁時事已否剝况遊羣陰閒溫馬競謠詠三薰

復三黜直道方嶽嶽叢山開講舍獨倡誠敬學絕粒甘

三朝從容實堅卓換骨與易腸千秋江漢濯

黃幼平道周

石齋鍊純剛欲以補天漏豈料維柱傾洞璣數早究知其不可爲蒼赤手援救神仙五百年兵解虛空激當年對平臺侃侃無誼譎暨乎相昱曷文謝爭先後慨慷東

華門殷正南斗宿

周景文順昌

六芰天牢萎五人虎邱闕巖巖吏部公憤激萬夫慟如何緹騎驅遂爲羣姦中喫血唾顯純扼吭鍛孤鳳非關批逆鱗又豈殉撓棟胡爲與狐蜴仇結穢妖洞大魔當

知是齋翼卷下

三

天衢我寡彼口衆正學旣駢誅酷吏慘一糞茂蘭刺血書猶得破天夢哀哉蓋棺論神解或罔恫

董元宰其昌

元宰通禪悅蕭閒不凝物東宮舊講官國子鏗鐘荆督學及旬宣敷歷暫伸屈引遠避權豎起家贊袞黻巋然杖朝老彭籓三世佛尤工書法妍孟頫紹米芾斯人緬高風文翰擅雙絕雖無耿介操瀟灑異充訕

文起震孟

文起起巍甲家世名行高鳳鳴首廷唱傀儡讒口挑傳旨逢薄怒直諍翻呼譽浩氣屈益振講筵揚孚號目諫

天足斂經義陳誅褒權姦豈或沮特擢參夔臯聲望滿  
四海弓冶傳兩髦騎箕歸列宿猶及乘完鰲

申孔嘉佳胤

孔嘉募死士走賊巖杞城備邊上五策謀國扶危傾義  
命志所安求仁無他營食祿十三年入井甘冽清忠臣  
卽孝子庶無忝所生

祁宏吉彪佳

山陰標玉樹越人歌山枝治事旣精決讜議無委蛇合  
籌二大要十四民瘼咨南京請發喪桀帥降心脾移疾  
當盛年絕粒投清池一水瑩神骨大節完裘箕

知是齋叢卷二

三

徐文長潛

奇文數必奇天才鬼所妒名高與福爭魚熊那兼顧長  
嘯自古今文長獨橫慮邱明嗟失明司馬蠶室腐崔浩  
慘參夷敬通傷琴御公是疾殘形青邱干齋怒此皆苦  
磨蝎絕叫朱鳥嗥七寶數恒沙金剛不肖佳如何降其  
心指點虛空路莫矜擅四絕誰反江淹賦

倪玉汝元璐

玉汝抱奇才注易大象以其言極恢博施政資治理首  
辯東林寃維垣眞孽子鄙夫孫之解要典哭其燬孔昭  
攻冒封劉姜辨誣詆超遷職司農支絀非得已直講遭

滄桑整冠大書几易名文正同論定公望臆

徐九一沂

九一東林冠名與高顧追孳孳急周魏釀金緹騎資書  
生勇于善見義無不為起家登瀛選抗疏貸黃倪願以  
百身贖宸嚮防其移及乎陳七事已迫苞桑時宵人恣  
彈射威福何能施慨然捨其身清冽照劍池千人為感  
動何異齊與夷作書戒二子枋也尤白眉三生福報篤  
天爵躋臯夔

楊維斗廷樞

維斗首鄉賢復社推巨擘同里同心人競爽照肝膈當

知不足齋叢書卷二十

三

時意氣盛聲應比鍼珀月旦傾朝野儀羽慕鴻翩一聞  
汗獨清鄧尉香魂魄名重誰能逃項瀉萇宏碧千秋泗  
洲寺遙通雙塔脈濟美光天衢台斗連珠璧

曾榮昌異擢

榮昌曾孝廉姓名同弗人與晉江曾異撰同名彼以孤介著此成

殉節仁永寧據江險實扼滇黔津可望勢披猖程龔行  
三人登陣誓死守城破焚其身天性爾自烈庶幾光天

倫

曾仲含櫻

仲含名太守持正方禦侮李實欲屬之侃侃相爾汝經

紀忠獻喪繆李勣資斧用才感芝龍媒藁遭奄豎祥刑  
湖南勅勿欺山東撫暨乎晉部閣蹈海空支柱白虹如  
白練丹赤耿繩武

袁元素崇煥

元素真邊才一人關足守夜行虎豹中寧遠塹堅厚開  
疆二百里不冝棄甲走緩師完三城全遼防衆口尚方  
斬文龍聲罪如烹狗豈知臣父閒已落陳平手天命歸  
我  
周比干心可剖曲端或餘冤吳玠默領首

凌駿甫義渠

知是齋叢卷二十

三

駿甫清如水諫垣懲六逆豈獨疆場憂已照滄海碧晨  
趨門下啟觸柱面漬血孤操實耿耿手焚插架籍緋衣  
辭君親絕吮三尺帛神超上青鸞三生介于石

姜如農塚

萊陽有二姜蜚語詰廿四批鱗遭天棊口溺僵代弟誰  
爲薄醜謀幾傷小臣斃受命甘死成不忍違先帝苦節  
不可貞奔走艱難際

馮爾賡元颺

慈谿稱二馮爾賡實直亢抗疏斥中官踞部何張王烏  
程戴逋逃獨澄太湖浪溥采復社英攻者溫陸燭晚年

撫天津滄桑不可榜脫身海道歸衰老迫屬續雖免蹈  
水蠟翼牀異用壯

金伯玉鉉

解元首廉孝夙以賢聖期濂洛有正學嚴憚臯比師抗  
闔唾私謁恥利營度支俄聞大同陷驚心宣府危有母  
八十餘廡并甘死綏躍身投金水冠袍汎水湄妾王從  
耄始并死濡并泥哲弟名曰鯨抱首金木毗安知姓名  
合異世懸台魁

孟允吉兆祥

長子章明

司冠起交河守城死門下章明揮之去投纒親膝袴妻

知不足齋叢書卷二十

十四

呂與婦王同命雙貞始一門叫天閻干邪躍大冶易名  
忠與孝鶴鳴聲九野

鄭峯陽鄭

峯陽亦剛激震孟同鷹揚再起遘時厄不孝攻匡章其  
意在勝文翦翼鄭則當謂其少年時假乩母不創心悔  
納其媵父也無乖傷姻婭爲證之濁流忝渭陽寃哉竟  
極刑平反劉與黃誰爲揭覆益畸氣多秋霜因果亦交  
襍醇醇惟中行

馬君常世奇

君常本儒者天性清而淳梁谿旣泉冽錫山亦秀皴遠

通七曲脈滙此無緇磷才名四十年奉使能潔身從容  
起投筭二姬儷霞宸驪哉少司命雲旗擁鳳麟

史憲之可法

憲之本文山前身兆母夢撫巡潛桐開東西更馳控縞  
衣誓勤王擇君非隆棟督師鎮淮陽帷幄失銜鞞旣憂  
兩姦比難解四帥闕昌言灑血書慨慷

天心動授命小東門梅嶺招魂贈萬古御雄風凌霄天  
門狃

成元升德

元升勵清操疾惡嚴於讎抗疏論閣老文溫辨薰蕕掠  
杖戍邊遠再起不如柔磊磊南軒言大義凜春秋泣血  
歸來時有妹纒先投入哭別母張母死幾盡劉寄孤友  
人家一線存箕裘

次韻石菴咏左氏傳

聖言無偏畸微顯卽章晦所以正人心大義誰敢背左  
氏眞素臣親見息百喙讀書若不熟目論覺忽昧趙盾  
亡越境誰敢苛且忌惟其聞弑反主名難逃罪穿也覲  
貪功家公甘瞽瞍是以太史書直筆討姦僞公羊主齊  
桓義與左氏對盟完卽帖荆九合聖所大飲子藥而卒  
豈比嘗藥類明案爭紅丸誤殺詎可誨左紀定十年祝

其見行事歸田及墮都謀國非素厲陪臣執國柄蕭牆  
憂如繪討桓告三子政久大夫逮所貴善讀書濟哉宜  
知味

奉和石菴次范石湖韻三絕

邯鄲廟

老說谷神元不死世緣夢夢皆幻矣先覺後覺千里差  
莖草蹇驢鳴貫耳

扁鵲墓

上池一飲神解治膏肓二豎逃秦醫小道大道了不二  
至人無爲無不爲

知足齋詩集卷二十一

三

坡公祠堂

定州八督顧言他內翰勳名春夢多海外歸來文更肆  
騎麟俯視意云何

除夕

除夕每不寐今宵興若何洞中綵舞樂天上覲揚多

知足齋詩集卷第二十終  
小門生烏程張鑑校字

知足齋詩集後序

詩三百篇雅頌之作皆古名臣大儒之所爲也  
唐宋以來名臣大儒多有詩集詩者志也可以  
覘其志而不能揜詩者持也可以驗其所持而  
不可拔性情心術政績遭遇皆可于詩見之顧  
古人詩集雖多而賡颺之作究不能累牘疊見  
且古帝王有詩集者蓋鮮卽有之而與名臣大  
儒言懷論道之作更不多見是惟吾

師大典朱公知足齋詩集爲最盛矣我

師未弱冠入詞林與兄竹君先生競爽早被

知足齋詩集後序

高宗純皇帝任使敷歷中外

純皇帝深器德量

命直

上書房侍

皇上講誦有甘盤舊學之義焉方出使在外時

純皇帝嘗以

御製詩郵示往返命和褒錫甚渥

皇上望遠寄懷專爲

師而發之歌詩者不下數十首

師亦皆賡雅音而敷至道都俞陳音何其盛也

雖吾

師學遂行修得以際茲

隆遇實由

兩朝睿製曠古所無是以交慶

明良徵韶成樂此集卷帙閒得以發其光華而極其

典重也元奉

命巡撫浙江

師嘗以詩寄示爰請于

師得授全集將彙之于板

師復命元選訂之元乃與及門陳編修壽祺等

知是齋詩集後序

二

共商刪存以癸亥以前編爲二十卷

師之詩閎中肆外才力之大無所不舉且直吐

胸臆真情至性勃勃動人未嘗求肖于流派而

自觀者衡量之實于杜陵昌黎爲尤近刻旣成

欣聞甲子春

皇上繼美

前徽臨幸翰苑

師之資最深且掌院事

恩加太子太傅領袖清班極一時詞臣之榮遇西園

東壁譔獻之作必多甲子後之新編更應美富

古名臣大儒之專集未有盛于此者然覽者當知吾

師之志與

師之所以持庶幾于雅頌閒求之矣

嘉慶九年春受業揚州阮元謹序

知是齋詩集後序

三

09718

21500

嘉慶六年春受業揚州阮元謹序

嘉慶六年春受業揚州阮元謹序

知是齋詩集

知是齋詩集

古今圖書集成

